

საქართველოს ფასიანი ქაღალდების ბაზრის ფუნქციონირების თავისებურებანი

მხეკინაძე ნოზაძე
სტუ-ს ასოც. პროფესორი
ბურაძე ჩარბახია
სტუ-ს დოქტორანტი

გარდამავალი ეკონომიკის მქონე და განვითარებადი ქვეყნების ეკონომიკის მნიშვნელოვან ნაწილს წარმოადგენს ფასიანი ქაღალდების ბაზარი. კარგად ფუნქციონირებადი ფინანსური ბაზარი, და კერძოდ, ფასიანი ქაღალდების ბაზარი აუცილებელია საზოგადოების ეკონომიკური კეთილდღეობის ასამაღლებლად, ისინი გადამწყვეტ როლს ასრულებენ ქვეყნის ეკონომიკაში.

განვითარებულ ქვეყნებში საბაზრო ურთიერთობათა განვითარების კვალდაკვალ წარმოებად სააქციო საზოგადოებების კონცერნებად, კონსორციუმებად და სხვა გაერთიანებებად გარდაქმნა. კერძო სუბიექტებს შორის კონკურენციულმა ბრძოლამ, მსოფლიო გლობალიზმმა პროცესებმა, და ზემოაღნიშნული გაერთიანებების ფორმირებამ გამოიწვია არამარტო სააქციონერო კაპიტალის, არამედ ობლიგაციური კაპიტალის მოზიდვა. აღნიშნულმა ფაქტმა კი გამოიწვია აღნიშნული სუბიექტების მიერ აქციებთან ერთად ობლიგაციების გამოშვება და განთავსება.

ამჟამად, განვითარებული საბაზრო ეკონომიკის ქვეყნებში ფუნქციონირებს ფასიანი ქაღალდების სამი ძირითადი ბაზარი: პირველადი (არასაბირჟო), მეორადი (საფონდო) და ბირჟის გარეშე (ქუჩის).

განვითარებადი ქვეყნებში, სადაც საფონდო ბირჟები განვითარების დაბალი დონით ხასიათდება, ქვეყნის ცენტრალური ბანკები და კორპორაციები ხშირად გამოდიან მსესხებლის როლში, ხოლო საოჯახო მეურნეობები და ინდივიდუალური ინვესტორები გვევლინებიან კრედიტორების როლში, რომელთა შემოსავლები მნიშვნელოვნად ჩამორჩება მათ მიმდინარე მოთხოვნებს და ინვესტირებას კომერციული ბანკის დეპოზიტებზე.

21-ე საუკუნის გარიჟრაჟზე არ შეცვლილა აქციებისა და ობლიგაციების ფლობის მიზეზები. ესენია: აქციების შემთხვევაში-კაპიტალის გრძელვადიანი მატება, დივიდენდების მიღება და ინფლაციისაგან დაცვა. ობლიგაციების გამოშვების შემთხვევაში კი მისი ემიტენტები (მთავრობა, კორპორაცია) იღებენ ვალდებულებას აუნაზღაურონ ობლიგაციის მფლობელებს როგორც ობლიგაციის ნომინალური ფასი, ასევე

პროცენტი. დივიდენდისაგან განსხვავებით, პროცენტი უცვლელია. ობლიგაციებს ხშირად უწოდებენ ფასიან ქაღალდებს ფიქსირებული შემოსავლით. არსებობს კონვერსიული ობლიგაციებიც, რომლებიც თავისუფლად იცვლება იმავე ემიტენტის აქციებზე. ამასთან, აქციებსა და ობლიგაციებს გააჩნიათ არაერთგვაროვანი

საინვესტიციო თვისებები, ესე იგი ინვესტორებისათვის არაერთგვაროვანია მათი მიზიდველობის ხარისხი. ობლიგაციები აქციებთან შედარებით უზრუნველყოფს დანაზოგების უფრო ხანგრძლივ დაცულობას. ნდობის მაღალი ხარისხით გამოირჩევა სახაზინო ვალდებულებები და სახაზინო ობლიგაციები, რადგანაც სახელმწიფო სხვა ემიტენტებისაგან განსხვავებით უფრო მაღალი გადახდისუნარიანობით ხასიათდება.

დღეისთვის მსოფლიო საფონდო ბირჟებზე აღნიშნული ფასიანი ქაღალდების გარდა მიმოქცევა სადეპოზიტო გადასაცემი სერთიფიკატები, უძრავი ქონების ფასიანი ქაღალდები, ფორვარდული და ფიუჩერული კონტრაქტები და სხ.

ფასიან ქაღალდებში იმ ქვეყნის ინდივიდუალური ინვესტორები აბანდებენ ყველაზე მეტ ფულს, რომლებიც შემოსავლებისა და დანაზოგების მაღალი დონით გამოირჩევიან. განვითარებადი ქვეყნების მოსახლეობა დღეისათვის მწვავედ განიცდის კაპიტალდაბანდებათა განხორციელების პრობლემას დანაზოგთა სიმცირის გამო, რაც ინვესტიციების სიმცირეს იწვევს.

საინვესტიციო კაპიტალის მოზიდვის ერთ-ერთი საშუალებაა კი ფასიანი ქაღალდების ბაზრის ამუშავება. კარგად ორგანიზებული საფონდო ბირჟა ხელს უწყობს სახსრების ეფექტიან გადადინებას გამსესხებელ-კრედიტორებიდან მსესხებელ-მხარჯველებისაკენ, რაც ეკონომიკის განვითარების უმნიშვნელოვანესი გარანტიაა.

რაც შეეხება საქართველოს საფონდო ბირ-

ქას, დღესათვის არსებობს სააქციო საზოგადოებები და აქციონერთა ფენა, სრულყოფილია საკანონმდებლო ბაზა. საქართველოს საფონდო ბირჟაზე ყველაზე დიდი აქტივობა 1995-1996 წლებში დაფიქსირდა. 1995 წლის ივნისში ჩატარდა პირველი სპეციალიზებული აუქციონი და მოქმედება დაიწყო განასაკუთრებული სახის ფასიანმა ქაღალდებმა საპრივატიზაციო ბარატებმა (ვაუჩერები). ამავე წლებში ჩამოყალიბდა საპრივატიზაციო-საინვესტიციო ფონდები. ვაუჩერული პრივატიზება საქართველოში 1996 წლის 1 ივლისს დასრულდა.

აღნიშნული ბაზრის ფუნქციონირებაში ერთერთი დადებითი მომენტი იყო 1997 წლიდან სახელმწიფო სახაზინო ვალდებულებების ემისია, რომელიც მთავრობამ გამოუშვა ბიუჯეტის დეფიციტის დასაფარავად. ამ ფასიან ქაღალდებზე თავიდანვე დაფიქსირდა მაღალი მოთხოვნა კომერციული ბანკების მხრიდან, რადგან მათთვის სახელმწიფო ფასიან ქაღალდებში თანხების ინვესტირება ნაკლებად სარისკოს წარმოადგენდა. თუმცა მისი გამოყენების დონე ბიუჯეტის დეფიციტის დასაფარავად დაბალი იყო. სახაზინო ვალდებულებების პირველადი განთავსება,

როგორც წესი, ხდება ინსტიტუციურ ინვესტორებსა და კომერციულ ბანკებში. საქართველოში ინსტიტუციური ინვესტორები არ არსებობდა, არ არსებობდა და არსებობს მეორადი საფონდო ბირჟაც. ამიტომ სახაზინო ვალდებულებების აუქციონმა კერძო გარიგებების სახე მიიღო და 1998 წლიდან შეწყდა მათი გამოშვება.

1999 წლიდან ამოქმედდა საქართველოს საფონდო ბირჟა, რეგულარული ელექტრონული სავაჭრო ოპერაციები განხორციელდა 2000 წლიდან. ბირჟაზე დაიწყო აქციებისა და სახელმწიფო ფასიანი ქაღალდების მიმოქცევა. გარკვეული გარდატეხა ბირჟის საქმიანობაში მოხდა 2004 წელს, როცა ბირჟაზე დაშვებულ იქნა საქართველოს ფინანსთა სამინისტროს სახაზინო ვალდებულებები. საქართველოს საფონდო ბირჟის **თავისებურებას** წარმოადგენს ის, რომ, სახელმწიფოს მიერ სახაზინო ვალდებულებების გზით მოზიდული სახსრები არა სახელმწიფო საინვესტიციო პროექტების დაფინანსებას, საიდანაც მთავრობამ გარკვეული შემოსავალი, სარგებელი უნდა მიიღოს, არამედ მხოლოდ საბიუჯეტო პროცესის დარეგულირებას. ამასთან, არ ხდება ამ ფასიანი ქაღალდების მეორად საფონდო ბირჟებზე ბრუნვაც, რაც აკნინებს მეორადი საფონდო ბირჟების როლს.

დღესათვის საქართველოს ეროვნული ბანკი უშვებს სახაზინო ვალდებულებებსა და სახ-

აზინო ობლიგაციებს. სახაზინო ვალდებულებების გამოშვება ხდება 1 წლის ვადით, სახაზინო ობლიგაციების გამოშვება კი 1-დან 10 წლამდე დაფარვის ვადით, კუპონის 6 თვეში ერთხელ გადახდის პირობით. სახელმწიფო ფასიანი ქაღალდების გამოშვება ხდება ეროვნული ვალუტით. ერთი სახელმწიფო ფასიანი ქაღალდის ნომინალური ღირებულებაა 1000 ლარი, და მისი გაყიდვა ხდება აუქციონის გზით. მისი მფლობელი შეიძლება გახდეს იურიდიული და ფიზიკური პირები, რეზიდენტები და არარეზიდენტები. ფასიანი ქაღალდების შეძენა მათ შეუძლიათ საქართველოში მოქმედი ნებისმიერი კომერციული ბანკის მეშვეობით, ვაჭრობა წარმოებს ბლუმბერგის ელექტრონული სავაჭრო სისტემის მეშვეობით. 2012 წლის 31 ოქტომბერს ფინანსთა სამინისტროს სახელმწიფო ობლიგაციების ბაზარზე გაიყიდა 5 000 000 ლარის ნომინალური ღირებულების 10 წლიანი ვადიანობის ფასიანი ქაღალდები. აუქციონში მონაწილეობენ კომერციული ბანკები. კუპონის განაკვეთმა შეადგინა 10, 8%, რომლის დარიცხვაც მოხდება წელიწადში ორჯერ. (წყარო: www.nbj.ge)

საქართველოში, ზოგადად, საფონდო ბირჟა არ არის განვითარებული. შესაბამისად, არ არის განვითარებული საფონდო ინდექსებიც, რაც თავისთავად ცუდი ფაქტია. როგორც ცნობილია, მსოფლიო ეკონომიკაში მიმდინარე ნებისმიერი მოვლენა თუ ფაქტი მყისიერად ახდენს გავლენას საფონდო ინდექსის სიდიდეზე. მაგალითად, აშშ-ის ეკონომიკაში მიმდინარე პროცესებზე ინფორმაციას გვაწვდის ისეთი ინდექსი, როგორიცაა „S&P“, DOWJONS და სხვ.

საქართველოს საფონდო ბირჟაზე მოქმედი ინდექსია „გალტ & თაგართი“, რომელიც საბროკერო კომპანია „გალტ & თაგართ“-ის მიერაა დაარსებული და მასში შედის საქართველოს საფონდო ბირჟაზე დარეგისტრირებული: „გალტ & თაგართ კაპიტალი“, უნივერსალი „თბილისი“, „თელიანი ველი“, „ყაზბეგი“, „ვითიბი ბანკი ჯორჯია“, „გაერთიანებული ტელეკომი“ და სს „თელასი“. მოცემული საბირჟო ინდექსი გვიქმნის წარმოდგენას აქციების ფასის შესახებ. თუმცა,

საინტერესოა აღნიშნული ინდექსის გაანგარიშების საფუძველს რატომ არ წარმოადგენს სამშენებლო კომპანიის აქციები?

საქართველოს ფასიანი ქაღალდების ბაზრის ერთერთ **თავისებურებას** წარმოადგენს წარმოებული ფასიანი ქაღალდების-ფორვარდული კონტრაქტების, ოფციონების, ფიუჩერებისა და სხვათა არ არსებობა. შესაბამისად, აღნიშნულ ბაზარზე არ წარმოებს კაპიტალის ამ გზით

გადაადგილება. არადა, წარმოებული ფასიანი ქაღალდების მეშვეობით ხდება ძირითადად რეალურ სექტორში ყველაზე მეტი ინვესტირება.

საქართველოში ფასიანი ქაღალდებთან დაკავშირებულ ურთიერთობებს არეგულირებს კანონი „ფასიანი ქაღალდების ბაზრის შესახებ“, საქართველოს სამოქალაქო კოდექსი და სხვა საკანონმდებლო აქტები. საქართველოს ფასიანი ქაღალდების მეორადი გარიგებები შეიძლება დაიდოს როგორც საფონდო ბირჟაზე, ასევე ბირჟის გარეთ.

საქართველოს ფასიანი ქაღალდების ბაზრის რეგულირების უმთავრესი პრინციპია საჯაროობის უზრუნველყოფა და ინვესტირების დაცვა. სახელმწიფო არ აგებს პასუხს ინვესტორთა მიერ მიღებული გადაწყვეტილებების შედეგებზე. იგი კონტროლს უწევს თამაშის წესების დაცვას, რომ ბაზრის მონაწილეთა მხრიდან ადგილი არ ჰქონდეს რაიმე დარღვევებს, არა-კომპეტენტურობას, ან ფინანსურ მანიპულაციებს. ფასიანი ქაღალდების ბაზრის ყველა მონაწილე ლიცენზირებული და რეგისტრირებულია საქართველოს ფასიანი ქაღალდების ეროვნული კომისიის მიერ. ცენტრალური დეპოზიტარის მეშვეობით ხორციელდება კლირინგი და ანგარიშსწორება ფასიანი ქაღალდების ყიდვა-გაყიდვის პროცესში.

„საქართველოს საინვესტიციო ჯგუფი“ საქართველოს საფონდო ბირჟაზე 2011 წელს მომხდარი გარიგებების კვლევა განახორციელა. წარმოდგენილი კვლევის თანახმად, საქართველოს საფონდო ბირჟაზე 2011 წელს ჯამში 1281 გარიგება დაიდო. გასხვისებული

აქციების რაოდენობამ 102 430 267 ცალი შეადგინა, თანხობრივმა ბრუნვამ კი-19 344 259 ლარი.

2011 წელს საფონდო ბირჟის გარეთ 421 გარიგება დაიდო, გაცემული აქციების რაოდენობამ 90 352 271 ცალი შეადგინა, ხოლო თანხობრივმა ბრუნვამ კი-16 840 554 ლარი. „საქართველოს საინვესტიციო ჯგუფი“ ექსპერტების აზრით, ყველაზე მიმზიდველი ობიექტების აქციების გასხვისება ბირჟის გარეთ ხდება. დახურული გარიგებების დროს აქციების ფასი გაცილებით მაღალია. ამას სტატიისტიკაც ცხადყოფს. გარესაბირჟო გარიგებების რაოდენობა უფრო ნაკლებია, ხოლო ფულადი ბრუნვა უფრო ჭარბი.

რაც შეეხება საქართველოს საფონდო ბირჟაზე მიმდინარე სიახლეს, რამდენიმე ხნის წინ საქართველოს საფონდო ბირჟის აქციების შესყიდვის სურვილი გამოხატა ძ - X-მა. მისი დატანხმების შემთხვევაში ის საქართველოს საფონდო ბირჟის აქციატა 50%-ის 1 ხმის მფლობელი გახდებოდა. მისი საქართველოს საფონდო ბირჟაზე შემოსვლის შემთხვევაში ის სააქციო საზოგადოებები, რომლებიც ცდილობენ მათ მიერ ემიტირებული ფასიანი ქაღალდების

განთავსებას უცხოეთის საფონდო ბირჟებზე, ამ შემთხვევაში შეძლებენ საერთაშორისო შეტავაზებები ქვეყნის შიგნით განახორციელონ.

და ბოლოს, საქართველოს ფასიანი ქაღალდების ბაზრისათვის დამახასიათებელ თავისებურებას წარმოადგენს აგრეთვე მისი დაბალი აქტივობა, რაც უკავშირდება მოსახლეობის უნდობლობას ფასიანი ქაღალდების მიმართ, მათი შემოსავლების დაბალ დონეს, პრივატიზების პროცესში აღნიშნული ბაზრის უმნიშვნელო როლს.

ბამოყენებული ლიტერატურა

1. საქართველოს კანონი „ფასიანი ქაღალდების ბაზრის შესახებ“. (1998 წ.).
2. საქართველოს საფონდო ბირჟის წესდება (1999 წლის 5 იანვარი).
3. ბახტაძე ლ. ფასიანი ქაღალდების ბაზარი. თბ; 2006.
4. ქოქიაური ლ; შონია ნ. ფასიანი ქაღალდების ბაზარი. თბ; 2010.
5. www.mof.ge;
6. www.nbj.ge;
7. www.bloomberg.com.

**SPECIFIC FEATURES OF THE FUNCTIONING OF BONDS
AND OBLIGATIONS ON THE GEORGIAN MARKET**

MZEVINAR NOZADZE

Assistant Professor at GTU business engineering faculty

GURAM CHARGAZIA

PhD at GTU business engineering faculty

One of the most important features of the successful functioning of a country's financial system is the existence of the effective bonds and obligations market. Georgian bonds and obligations market represented by Georgian Stock Market has been functioning since 1999, while regular trade operations have been carried out since 2000. Shares have been released on the Stock Market and since 2004 treasure liabilities have been added.

According to the research 1281 agreements were signed on the Georgian Stock Market in 2011 with total turnover of 19 344 259 laris. Current index of Georgian Stock Market is "Gult and Taggart" which was founded by a Stock Company "Gult and Taggart" and which includes several companies that are registered on the Georgian Stock Market.

Georgian Stock Market has shown low activity since it has been established. The reasons for this are the following: population's low confidence in bonds and obligations; low activity of the Stock Market in privatisation process when objects are bought directly; low income of the population and etc.

Rapid development of State bonds and obligations is characteristic for transitive countries as there is always high confidence in State bonds and obligations among population. It should be mentioned that in Georgia we need to encourage investment not only in State bonds and obligations but also in the ones of the private companies, as this will be the warranty of national economic development.